



Samarbeidsutvalet Leiknes skule

Leiknes, 28.10.22

Uttale til høyring: Justering av vedtekter for skulefritidsordninga i Alver kommune

Samarbeidsutvalet ved Leiknes skule ønskjer å spele inn nokre kommentarar og innspel til framlegget som er på høyring

- Tidsramme
 - For oss er det viktig å halde fram med alternativ 1 slik som no. Dersom vi skulle lagt tid om morgonen, ville dette gjere det vanskeleg i forhold til bemanninga om ettermiddagen. Alternativ 2 vil nok framleis vere nødvendig for skular som har kortare ettermiddagar på sfo.
- Opphaldstider
 - Vi ønskjer at vi landar på alternativ 2 når det kjem til opphaldstider:

For 1.-4. trinn

Heil plass 13 t/v eller meir

Halv plass 7-12 t/v

Korttidsplass 0 - 6 t /v

For oss er det viktig å løfte fram at det er viktig å behalde korttidsplassen då vi ser at fleire familiar vel denne med omsyn til å la barnet deira få stetta eit behov for å få delta i eit sosialt fellesskap med jamaldrande etter skuletid og få øving i samhandling. Det er, slik vi ser det, sannsynleg at fleire ikkje kjem til å nytta sfo-tilbodet i det heile tatt dersom denne plasstypen fell bort. Vi treng eit sfo-tilbod som imøtekjem alle typar behov.

- Bruk av gratis kjernetid i feriane:
 - Det viser seg å vera lite tenleg at gratis kjernetid ligg til same tidspunkt i feriane som i skuleveke. Det hadde vore ønskeleg at ein i feriane kunne, innanfor visse rammer, leggje opp til ei fast formiddagstid som gjerne kunna vore lokalt bestemt. Kan hende ville det vore ok å samla timane til 3 dagar med tanke på bemanning på elevfrie dagar.



- Bemanning knytt til elevar 1.trinn
 - Vi ønskjer også å løfte fram ei problemstilling knytt til bemanning og gratis kjernetid for dei yngste elevane. Med gratis kjernetid har tal 1. førsteklassingar auka. Vi vurderer at ein bør sjå på bemanning knytt til 1.klassingane spesielt. Skulestartarane krev meir støtte og hjelp, spesielt i haust-halvåret, både når det kjem til praktisk hjelp og støtte i samhandling og emosjonell regulering. Vi skulle ønskja at ein td hadde 12 barn pr vaksen når det gjeld tal1.klassingar.

Med vennleg helsing

Samarbeidsutvalet v/Leiknes skule

Katrine Hopland, skrivar